



Projet promovût di 'La Vôs dai Furlans' e 'ARLeF'

MAMAN

la VÔS dai FURLANS

Lu saveviso che...?

VOSUTIS TE SACHETE!



CJANTÏN INSIEMI

"Carnevâl, carne-carnevâl ogni scherç che tu fâs al vâl!
Carnevâl, carne-carnevâl vive, vive, vive il carnevâl!..."

Cjantîn insieme "Carnevâl".
Scoltin la cjançon su



Tal periodi di Carnevâl il Friûl si anime di fiestis che a rimandin a usancis e a tradizions antighis. Tal paisut di Sauris, par esempi, i protagoniscj dal Carnevâl si clamin Rôlar e Kehirar: il prin al è vistût di scûr, cu la muse sporcje di cjalin e al à campanei grancj picjâts ator ator de vite che al fâs sunâ di continui; il secont, che al è il re des mascaris, al à i visfîts fruiâts, une mascare tipiche di len e al ten in man une scove che al dopre par tucâ su pes puartis des cjasis li che al vûl jentrâ. Pe Gnot des Lanternis il corteu des mascaris sauranis si môf tal bosc par fâ fieste e, ator di un fogaron, duçj si scjaldin e a puedin mangjâ un dolç tipic: lis fritulis cu la salvie. E voaltris cognosseviso chescj personaçs dal Carnevâl di Sauris?



Foto: Archivi Fotografic Comunâl Sauris Zahre.

cumò fâs tu!

Cjale ben i doi dissens: rivistu a cjatâ lis 8 diferencis?



Dissegne tu!

Dissegne e piture il to costum di Carnevâl.



Induvine induvinel: dut a blecs il gno visfî, par lâ ator o voi simpri a pît, o fâs a duçj un biel inchin e mi clami... ARLECHIN!

Ridi a plene panze!

Vuelistu tornâ a viodi lis pontadis di Maman?
Cirilis su telefriuli

Vinars aes 18.30, e in repliche domenie aes 7.00 e aes 13.00



STELIS E LUSIGNIS Noa



Roc. Une bugade di fuarce ti rive dal vivi di plui in famee e cun il partner ançe moments di relax a cjase.



Taur. Cun il partner a vês vierde plui di cualchi cuistion, cîr di compartâti in maniere civil.



Zimui. No stâ cjapâ decisions dal vuê al doman, tu âs di vê dut il timp par scjariti les ideis.



Gjambar. Al è il moment just par tirâ fûr le fuarce che ti rint unic, ançe par scomençâ l'an miôr di simpri.



Leon. Il cjâf al svole indaûr tal timp e ti vise personis che non tu viodis di un piês: a je ore di clamâlis.



Vergjine. In amôr tu sês rivât a un fuart ecuilibri cun il partner che a ti permet di vivi in legrie.



Balance. Il tô jessi curiôs ti puarte a cognossi int gnove e tra di lôr tu cjararâs cualchidun che ti fâs bati il cûr.



Sgarpion. – Viôt di vê plui cure dal to cuarp. Tal lavôr tu âs di scjariti cun i colegâs su une cuistion restade ingropade.



Sagjitari. No stâ cirî lusignis e reste cun i pîs par tiere, come che tu âs za fat timp indaûr.



Bec di mont. Tal lavôr tu rivis a meti in pratiche les tôs cognossincis e i colegâs ti ringraciaran.



Agariûl. Tenti plui dongje a fradis e amîs parcè che a son lôr che a podaressin dati il consei just.



Pes. I cambiaments a son ali, ma tu no tu sês pront: viôt di no pierdi masse ocasions.